



Handwritten signature or initials in white ink, located to the right of the seal impression.

稽留山人集目錄

第五卷

敝帚集

詩四十首

四月八日同芝麓先生及固庵長椿寺觀禮懺因瞻

金塔三十韻 隗囂墓中古磁杯歌 贈張碧山明

府宰仁和 聞蟬 贈宋京仲明府之任吉陽五十

三韻 洗象行 上宛委先生壽 己亥夏茂三再

至都門同過固庵醉後率贈 訓茂三燕邸喜晤見

贈二首 和茂三同過固庵酌 蝴蝶 送章澹公

司李鄱陽

賀楊自西考選黃門 賀顧且庵考選侍御 賀張螺浮改授黃門

中秋前二夕固庵招同坦公司空真源侍御茂三處

士雲鵷孝廉同飲報國寺左方丈司空有作輒和四
首時共遲芝麓先生未至予先辭歸 中秋前二夕
赴固庵招慨然有詠但示茂三 十五夜坦公先生
招同鐵帆上人泊諸同人梁園看月拈十五刪韻人
賦二首 奉和宛委先生中秋玩月之作 奉詠宛
委先生醉後見贈之作 十六夜芝麓先生招同諸
子集慈仁松下 訓關槎度慰其下第南歸兼問尊
公蕉鹿明府 壽張螺浮給諫 送王仲昭歸里兼
寄麗京榆霞虎臣宇台際叔世臣甸華馳黃諸子
九月五日宿茂三慈仁寓舍晨與同訪潁川劉公勇

進士便留小飲 飲公勇寓宛委先生飛騎招遊黑
窰廠高岡重醉歸途漫賦 送俞子政歸里 九月
十八日陪機石封翁遊放生池禪院作歌 登法藏
古寺七級浮屠作 祝朱鐵庵明府六十

稽聖山人集第五卷

己亥

詩四十首

武水陳祚明肩倩氏著

四月八日同芝麓先生及固菴長椿寺觀禮懺因瞻

金塔三十韻

蕭晨尋覺路佛誕是茲辰副相陪元老郎官亦近臣祗園
金地澗法懺化城新梵樂隨花散香臺繞樹巡開扇闕
窳拾級步嶙峋秘殿崇僊宇前朝轉法輪幢燈明日月塔
像麗金銀結頂懸多寶承趺護百神當年初鑄造母后在
慈仁盛世昇平樂高僧苦行真穴銅開冶施宮輦上香親
光放臨千界潮鳴聚萬人捧爐來勅使曳玉拜朝紳僧飯

炊秔稻禪牀設彩茵慈烏因食下怖鴿得棲馴受戒無虛
歲看經輒累旬重熙期百葉錫號祝長椿事往年無幾時
殊迹已陳珉階青宿草玉座黯生塵白日門多閉空園樹
自春鼓鐘時一響丹碧未全湮故錦傳衣敝休糧覆鉢貧
伽藍監冷爨彌勒倦疲津龍象如聞泣人天始欲輦謁來
消永晝隨意步荒榛猶供僊厨食誰輸檀越緡講壇空寂
莫戒律尚精純舊事聞人述繁華試一詢更須憐後日難
問是前因佛土興衰有如何此幻身

隗囂墓中古磁杯歌

東漢至今幾千載磁杯羃土至今在前年誰發隗囂墳駭
出人間見光彩不聞古劔及鼎鐘見說陶器多猥瑣大容
二甬小一升或貯酒漿或醢醢漆燈珠襦化作灰此器堅
凝色無改隗囂僭亂不謀身何得丘中葬具陳西秦自古
帝王地王侯卿相多其人相傳此塚竟誰是大抵物古制
不新山陰學士得其二行酒往往娛嘉賓胚胎相似不高
大濶口小足足稍浣青黯疑是水蒼玉渾成不似陶人作
一杯之內畫波濤翠鱗隱起流滔滔如聞淋漓風雨急若
有偃臥魚龍高其一素樸無刻飾黝黝表裏色如一土花
生香手摩淨火氣已脫肌粟密盛食未妨過一旬烹茶不
飲出三日臭味弗變顏色佳古物自異尋常質重泉日久

氣清涼及此傳觀風瑟瑟我見驚喜已復悲物理顯晦誰
先知卽如此杯久埋沒陶成有日出有時當年杳杳閉隧
道豈分雕几蔭華榱劫灰壅積苔繡澁千年之後何人持
英雄割據安足論功業角逐徒爾爲紅燈碧酒沃肺熱十
觥滿罰慎莫辭人生得酒須深飲況復花柳青參差

贈張碧山明府宰仁和

建業才名久臨安茂宰初丹砂僊井在桃李大堤餘步壠
桑依雉凌空鳥是鳧戈船猶戰伐冠蓋索儲胥使者徵求
急農家蓋藏虛從來嗟杼柚漸欲廢犁耨供億元無額瘡
瘵況未舒豈知勤保障偏自納牛車地劇星應戴時濤最
會書部民朱邸客頌或似相如

聞蟬

高齋綠樹陰晴日引蟬吟飲露棲深葉傳風噪隔林稍依
朱邸閣不是碧山岑未息纏綿響微生托苦心

贈宋京仲明府之任吉陽五十三韻

元方既有弟子京亦有兄兩家兄在時鄉舉同策名各懷
淵雲妙不得稽古榮出處雖殊塗蒼黃殉戎兵在原慘不
收孤子啼饑聲游梁我未倦說秦子亦行褐衣蔴作鞋徒
步來上京淹畱閱春秋傲睨交公卿同里多故人通籍金
闈英綢繆布衣素欵曲鼻弟情不敢供脫粟有時饋魚鯖

春色花映寺秋風柳拂城夜雪三尺白寒月五更明疾風
晝揚沙急雨如盆傾過從亦不辭濁酒澆千觥角勝耽博
奕移情聆簫笙雄談劇嘲謔語出四座驚寸心各有尚世
論歸狂生子抱通方才可以佐時清盤錯資擊割所謀無
不成蹇拙我自知徒守石隱貞性異心竇獲莫逆志合并
小人亦有才所用工危傾深阻施毒螫媒孽起微萌子才
豈不優服義情故平排難要必濟扶顛見衷誠鈍鎚猥不
鄙求友和嚶鳴借臧刻密約歸田期耦耕百里困鸞鳳小
鮮試一烹吉陽控楚蔡四達多罷氓北庭來冠蓋南荒猶
戰爭供億苦父老芻粟輸軍營此惟縣令責未必并稅贏

支持賴心計奔走勞逢迎所知龐士元驥足嶮咀輕左方
右畫圓耳聽兼目營報最亦不遠歲計四五更循良有異
數年方方剛勅從容步天衢出入影華纓願子懷初服勿
爲世網撻早遂栗里心毋忘息壤盟我今乞食出亦欲歸
幽衡但祈錢一囊不必金滿籬此時倘如願共卜屋數楹
以糜餽孤子漉酒炊香杭白縷鱸魚膾青絲蓴菜羹兩家
祭先靈方圓列縱橫松醪招共飲日暮酡顏頰孝友帥子
弟詩書教孩嬰商山峯窅靄武陵溪清泓此歡可忘年疇
昔言已成蹇悲岐路別欵曲敘平生

洗象行

宣武門西玉河水城邊柳暗波瀾瀾六月中伏天氣晴年
年象向河中洗隔河觀者如堵墻赤日路隘塵沙黃兒童
試浴戲相引踏波撇浪誇身強須臾萬人東首看黃龍雙
旗光燦爛羽林健兒前導行出沒穿林人影亂黑雲壓地
成羣來山移嶽走驅風雷昂頭稍見高樹杪掉鼻忽逐行
人開金吾都尉馬至後下馬臨河坐垂手三十三象排作
行次第分班向河口蠻奴裸體背上坐劃然下赴碧流破
半伏巖崕脊勢高旁看崑嶷頭影大帖耳沒項身始蹲濺
沫仰鼻漩溜歎演漾迫蹙水花激側轉涌起泥沙渾乍沉
地塌丘陵重旋躍波飛石隄動白攬雲霧湫龍移黑乘風
雨江豚衆此象昔在蒼梧南羅浮炎瘴蒸山嵐大暑白浴
溟池水翠色掩映波如藍攬身頓足意自得游牝奔騰不
能息須翻渤海日車倒便蹴崑崙天軸踣擒來馴擾貢
京華瑠鞍錯繡鋪雲霞殿門立仗屹不動五色宮扇排鸞
車從王服德力不試俸錢月給青芻飼賜浴未離調御人
被驅豈若山林恣自從前代沿至今新舊承恩無淺深聞
說強兵掃蒙氏燧尾却走終見擒混一此乃是天命爾今
寧復思桂林浴罷皮乾去不顧望頭若尾穿青樹

上宛委先生壽

曆數戎衣定詩書 黼座須 詔求初舉得夢卜一言孚

斟酌成王業經綸稔大儒十年加九命一德颺三謨早達
輕王訓昌言小敬輿衡平商代佐器鑄孔門徒宅俊高懸
鏡降王肅受圖封章銜憲答賜燭夾行呼必世仁需洽開
基厚豈迂竟憂謝安石不雜管夷吾較若蕭規密康哉益
贊都音交登陞矢色泥過庭趨載籍仍鑽仰羣材會委輸
士來一飯輟書讀百篇俱銘鼎恭如是占爻德不孤小園
森竹木三徑闢榛蕪涼月臨高牖明燈送遠厨樽罍賓乍
滿絲竹伎全無難弟搖文筆僊人供酒壺傾盃花影泛凭
檻柳陰扶室靜論思豫身閑後樂需自公歸曳履此日是
懸弧年甲過纔半秋庚伏漸蘇食魚還乞醉可恕吐茵麤

己亥夏茂三再至都門同過固菴醉後率贈

仍向京華見同爲客子身如何持面目只是老風塵莫逆
餘詩卷相携過友人狹邪明月上雙劍照長貧

訓茂三燕邸喜晤見贈二首

漸老飄零喜故人將憑短詠話酸辛開函驚見珠盈握欲
和深慚筆有神裋褐悲看燕關路戈船迴慟越江濱人間
若未銷龍戰垂釣何容臥富春

其二

相逢歲月催人老鬪捷詩篇愧子多白水不須吟浩浩高
山誰與聽峩峩游梁亦愛求羊密臥邸仍嫌李趙過風景

河山都似昔不論洗象有悲歌

和茂三同過固菴酌

兩月不問韓安國一來喜同周伯仁
愁風愁雨客欲起不
襪不衣主任真映水蘋果訝碧顆
下麩鱗魚能紫鱗爲難
熱行轉見肘門外襪襪來何人

蝴蝶

蝴蝶影依依青郊露未晞
簷簷栖不定故故起交飛
捷下驚花落深穿出葉微
微生任漂泊斜日不知歸

送章澹公司李鄱陽

先兄鄉舉同籍兼同出海岸黃先生之門

握手悵言別踟躕念離居
饒陽亦不遠去鄉十日餘
始投

詞賦筆屈首覽爰書斷獄必引經
平反慎勿疎得情乃哀
矜秉燭常欷歔周內有上下亦不
徇吏胥政成會見召瑣
闈待脂車才名三十年經術董仲舒
贊郡秩猶卑懷來復
何如先兄昔同舉鄉國延稱譽各
抱濟時志豈欲尋遂初
湛身旣長往小弟親犁鋤見君如
見兄邸舍聯衣裾蕭然
捧檄去豈是爲饑驅滄江郡凋殘
兵革方載塗行矣策高
足使我安田廬

賀楊自西考選黃門

萬里南州報最還五溪父老哭兵
間樓船盡識征徭苦瑣
闈初分侍從班一疏回天應涕泣
三年作令憶間關卽

焚諫草防人見自有聲名到百蠻

賀顧且庵考選侍御

聞君爲宰古真陽三里山城子賤堂上理民應安簡靜新
恩詔許選循良桑田雉起畱膏雨柏署烏棲拂早霜翻
羨栽花無一事應須努力上封章

賀張螺浮改授黃門

承恩粉署含香日改秩金閨對仗初多少郎官纔特簡一
時天子與親除殿頭此日看焚草圯下當年有授書解
道屬車新諫獵漢庭臣是馬相如

中秋前二夕固菴招同坦公司空真源侍御茂三處

士雲鷁孝廉同飲報國寺左方丈司空有作輒和
四首時共遲芝麓先生未至予先辭歸

月近團欒夕人看少長俱香厨蘭俎出金界酒筵鋪花影
欵初轉鐘聲暝不無一龕彌勒坐沉醉許吾徒

其二

地因祗樹勝月是仲秋清輪側光先滿庭空影倍明酒行
人語塞衣濕露華生上界天應近南端斗漸橫

其三

脫畧司空屐巍峩御史冠主人郎是隱下客士偏寒濁酒
辭先起清光去亦看從容山簡至能不到更闌

其四

不負良辰飲司空好句多歸車就皓月朗詠答鳴珂勝事
留僊刹高文耿曙河梁園他夕酒更約客同過

中秋前二夕赴固菴招慨然有詠但示茂三

明月何須滿秋風只益寒招邀羅几席顧步繞闌干天夕
傳光早花深出影難坐隅心醉久引滿獨醒看訓答言辭
嬾踈狂禮法寬山河寥廓迴星斗杳冥殘爲客情多苦端
憂淚不乾連朝惟愛寢無意復加餐秋至悲同楚人逢姓
是韓淚隨山鬼墮眉爲遠公攢欲碎長卿筆宜拋嚴子竿
林柯底許密松樹不須蟠梵放臨金界光溥遍玉壇不知
天夢夢只有露漫漫憎酒杯誰勸嫌詩句不安對人言謬
誤歸去足嬾跚臥定推孤枕饑須棄一簞有情惟爾我不
語寫心肝繁手離騷曲紛披抱瑟彈

十五夜坦公先生招同鐵帆上人洎諸同人梁園看

月拈十五刪韻人賦二首

月從今夜滿客伴上公閒綺席簪裾集梁園花柳間輪升
墻影白衣映酒痕斑桂子何方落迢迢憶故山

其二

清光依壁宿勝地集銀灣

梁園地舊名銀灣

枚客紛先至山公醉

未還長齋親白業戀酒發朱顏因話千人石無辭聽法頑

奉和宛委先生中秋玩月之作

良夜趨庭宴名園躡履從難逢兼四美不憚飲千鍾桂子
香疑逼椒花味故濃莫嫌操酒政下座托優容

其二

月上光偏潔更深客轉畱庭寬容設席座襍亂藏鈎碧落
朱蕤淡金波玉盞流穆如詩學擅安有夜珠酬

奉訓宛委先生醉後見贈之作

飛觴情不淺搖筆句還占譚許三升給詩謀五字嚴秋聲
依樹出月影借杯添公讌才難及承恩醉未嫌

十六夜芝麓先生招同諸子集慈仁松下

暝更尋蕭寺游因從上公月輪猶似滿花界本來空試覆
杯心燥無譁酒政雄羽觴飛轉急謾起松風

其二

暫起賓皆醉看升月欲西席移金殿濶人倚石欄低潦倒
杯難駐婆娑舞不齊誤疑松是影莫惜醉如泥

訓關槎度慰其下第南歸兼問尊公蕉鹿明府

十上書皆善單車客且歸誰明卞和玉獨戀老萊衣柳岸
松依徑茆堂菊掩扉載廢飲酒句直恐和人稀

其二

黍竊求羊侶淒涼梁宋遊逢君在燕市惜別攬貂裘陶令

何曾老終童不足儔酬詩因問訊應醉菊花秋

壽張螺浮給諫

昌言古所貴豈以沽直聲匡時有碩畫忘己爲蒼生之子
王魏徒金殿初蜚聲含香司出納蒿目憂平成改秩陟瑣
闥諷議從承明諫書十餘上得失係匪輕從來農桑困猾
吏方橫行誅求繁額外尅剝苦罷氓中人百金產上農百
畝耕艱辛歲勤動收穫亦不贏署名爲里正胥吏坐盈庭
追呼粟米稅驅迫力役征牛酒日供億鷄犬不得寧並海
有烽火戈船方用兵秣馬索芻豆牽船送行營是皆勞父
老直歲如踐更 朝廷本立法公帑用有程常賦已十二

所取旣必盈但能及時納衆役皆合并煌煌著令甲科條
豈非誠官章吏不聽私役乃多名是豈有常額恣意莫敢
爭徒儲十年蓄家已一日傾嗟吁達 宸聰縱橫血淚零
矧伊風未古獄訟方繁興束縛需財昧起釁雀鼠萌蠶食
亦多術誰曰能得情吏弊有如此入告 天子驚且如風
化本責任在六卿刑法繁秋荼束濕悲秉衡政事貴寬大
引律要持平愷愷仁人言嘹嘹鳳皇鳴不徒誇摘發安肯
習逢迎太息直道衰相矜在毛鷲癡疴務苛索彈射及微
細湯言鷹鷂擊可畏蜂蠆厲殘民以爲威搏擊快得意之
子崇大體矯矯與俗異願爲臯夔業致主唐虞世諒哉古

名臣可任端揆寄他時縵黃髮革履上殿曳惠我山中人
晏居翳薜荔

送王仲昭歸里兼寄麗京梯霞虎臣宇台際叔世臣

甸華馳黃諸子

獨精文選理真擅賦家才袷褐逢時晚青氈作客來賣文
誰特薦彈鋏復空回好應賢良詔明年鄉舉開

其二

我亦悲漂泊同君燕市游投詩矜秀句感物怨清秋歸美
輕舟早愁看一劔留渡江如北首烟霧是幽州

其三

同學何人好淒涼出處齊幾人登紫闕不見臥青溪詞賦
甘泉賤烟霞鄭谷逃因君寄諸子淚作數行啼

九月五日宿茂三慈仁寓舍晨與同訪潁川劉公猷

進士便留小飲

我就故人周顛宿覺來一訪劉公榮庭中始放菊美色市
上旋沽酒幸清脫冠使我去不得通籍憎君成此名墻頭
青樹窺客醉莫問區區世上情

飲公猷寓宛委先生飛騎招游黑窰廠高岡重醉歸

途漫賦

尚書期不速客已醉斜暉更與登臨會先愁酩酊歸川原

煙漠漠城闕月霏霏回騎隨呵殿垂鞭去若飛

送俞子政歸里

秋風鴈南發送子還故鄉扁舟潞河曲烟水何蒼茫到家
孟冬月田間禾黍黃修竹應更密槐柳春已長賓朋相慰
藉昆弟相携將所樂在歡晏亦不羞空囊寢廟拜先人神
靈固已康或畫山數疊或賦詩一章好鳥鳴樹枝春草生
池塘我豈遂無家離居五六霜欲歸乃無日鬱鬱聊相望
九月十八日陪機石封翁游放生池禪院作歌

都門九衢百萬戶屠販肩摩列市估割擊牛羊不論百鷄
豚魚鱉何須數此皆生命亦有情畏死定復貪微生脂膏

大哉快一飽沸湯烈燭相煎烹西方聖人始戒殺萬物一
體憐天札古來開士教放生江西徃徃多名刹如何京邸
天下轉關然此事心實疚祇園亦有宮殿高寶塔徒勞金
碧構磨刀夜聞禽獸泣流惡朝看皮骨臭彎弓插箭誇射
生羅鼎鳴鐘鬪食肉就中水族尤細微一金百命取鮮肥
半死僵鱗動戢戢旋斫纖鱸香翻翻白足杖錫偶然至崇
文門南古廢寺布金買地四十畝說法現身十千臂此地
昔生青蓮花里中父老久嘆嗟掘得金像制古樸故址識
是瞿曇家今來重建龍華會手披荆榛剪蕭艾便欲穿池
名放生經始鑿空願已大京師野曠地脉高水深土燥

風怒號人力徒勞費畚鍤泉源何處生波濤師來講經呪
龍子撥杖須尋功德水八尺已過一丈餘雙井依然出地
底一清一濁吐神瀆汎流始發清湍駛千人荷耒迴首看
頃刻遍地風雷起堆碕漸沒土花濕巨浸俄成波瀾瀾始
知好生感神靈移山倒海通杳冥此井千年預相待黃媪
護念龍王肩稍加疏鑿轉深廣未成已見波沆漭散著魚
蝦禁採掇得意會作濠梁想其餘隙地繚以垣猪羊鷺鴨
來雲屯免死已登歡喜地得生盡是如來恩里中女子姓
者陳本有舅母骨肉親牛家自出劉氏婦化爲異物經幾
春青燈閃閃漏四鼓窓外啾唧如有人雲霧漠漠魍魎下

側身迸淚沾羅巾自言東鄰作羊苦左角半折元毛純但
噉草穀勞豢養却畏刀俎還逡巡安得致我送禪院跪石
銜花傍珠殿便同怖鴿栖寶光却共啼猿遶金面語聲未
絕夢已迴開戶聞寥尋不見浹背汗流肌粟立記憶驚心
牙齒戰天明求覓果得之捫毛握角羊亦悲四蹄撲朔欲
有訴灘漸雙淚看人垂鼻來却禮大師足倘許放牧臨清
池在生豈知來者醜此日應悔前身癡却後倉皇復見夢
得生尚苦寒與饑青芻赤梁要飽飼蓆棚葍草須支持重
來相向淚承睫四百青錢月相給是日朝官到滿坐驚聞
私語何喋喋問其委曲各三嘆浮生始覺如秋葉忽然爲

人復爲物豈異莊周化蝴蝶一物自有前生緣爾羊如此
誰不然雖殊靈蠢有知識口亦欲語心難宣蜾行蛺動非
委瑣縱殺生命真不可五戒宜遵天竺經四禪誰証菩提
果山陰先生五十強爲善已是東平王滕下元方比稷契
庭前三薛皆班揚暇日招遊寺中去一車兩馬城南路禮
佛一聲清磬鳴沿流雙屐中林步寺中靈迹已復多顧我
使我爲長歌歌成欲令讀者勸啄腐吞腥柰若何

登法藏古寺七級浮屠作

金殿花臺廢輪王寶塔留簷前低白日檻外俯 皇州躡
履盤空響窺窻望遠愁鄉關何處是萬里暮雲浮

祝朱鐵菴明府六十

大道崇無名達人貴忘己齊物赴乘流谷神會知止極博
攬墳素有章撰文史夢草暫行歌種花偶坐理未成丹砂
還旋戀蓴鱸美作賦延壽能送酒淵明喜伊周藉陶鑄孔
老成糠粃勿讓五嶽心無碍三車旨閱徃冥高轍知來順
修軌鴻迹暫依飯魚勞懷孔邇提耳庶發矇覓心慚得髓
紀齡椿長青掇芳芝頗紫伊字非有無亥文推甲子稻梁
鴈不才風雲龍莫擬言絕理何述頌成語非綺披草睨高
山結情寄秋水

稽留山人集目錄

第六卷

做帚集

詩三十八首

醮院感興八首

送丘龍標登第歸省

程奕先孝

廉作傷秋賦為詠其事

庚子春送周茂三南征四

首 重別茂三

庚子清明後一日宛委先生遊城

西摩訶寺病不克從有賦

胡振音初度

庚子五

月寄徐邈思兼哀沈聞大

訓胡敬懋三首

送同

里盧文夢之滇南赴大中丞九敘袁公幕

送陸聖

修太史謫貴池司李

胡機石太翁誕辰賦祝

庚

子秋杪喜顥亭來都作

庚子初冬改館顥亭家留

別宛委學士二十八韻 宛委學士十月哉生明舉
一丈夫子後二十有八日復舉一丈夫子歌以賀之
赴宛委先生湯餅會飲醉復索歌者出席傳觴自
哂其在詩以解嘲二首 訓王備五兼訊茂三 仲
冬望日漏下二鼓顥亭再傾家釀子箕有作奉和一
律 喜汪介公復至燕山走筆賦贈 口號 贈王
維文

稽留山人集第六卷

庚子

詩三十八首

武水陳祚明肩倩氏著

醮院感興八首

禁城左掖接彤墀絕漢梁橫太液池路傍瀛洲迴玉砌園
開祇樹湧丹楣花宮碧瓦諸天護秘殿金輪七寶垂此地
由來堯率界上方縹緲白雲移

其二

鬱葱禁樹隱朱門金殿巍峩坐世尊上界鼓鐘雲外響昆
池日月浪中翻昭陽地近扶 皇極建禮闈深限 紫闈
多喜莊嚴增徃日十方開士獨承恩

其三

齋壇本是舊琳宮
龍象森嚴扈禁中
學子登牀僊梵起
天人奏樂雨花空
名山飛錫真僧下
霄漢鳴鑿帝釋通
門外昆池仍漢鑿
劫灰不必問鴻濛

其四

靈山寶殿倚金繩
善法堂從下界升
識性竟須修十地
忘言不必演三乘
風雲龍起明庭樹
鱗甲鯨安太液冰
雙眼卽今聊倚檻
五宗自古只傳燈

其五

遼后梳妝舊有臺
孤高猶在鳳城隈
管絃何處春風奏
環珮如聞夜月來
酒釀葡萄須細酌
花名芍藥莫深栽
從來徃迹悲興廢
臨眺於今眼倦開

其六

寢苑迢遙接御堤
甘泉卽在建章西
新塗丹碧紅亭矗
舊植青葱玉樹齊
欲近蓬萊風自引
休攀閣道路應迷
傳聞避暑年年過
珠勒齊拋馬亂嘶

其七

瑤臺蕙圃竹門關
汲井飛泉遶藥欄
夾道曲循花右轉
雙亭宛在水中間
彈琴凭石游魚聽
坐棟窺入倦鳥還
莫問前朝游豫日
神宗多倚萬幾閒

其八

接棟繚垣水榭局龍舟朱楫畫丹青金錢何日煩工部樓閣依然設御屏尚想旌旗重午節一時簫鼓截流聽內官屈指思陵事歲歲焦勞燕未經

送丘龍標登第歸省

南宮此日開秋試桂花香滿慈恩寺宮袍得意騎馬歸年少爭推天下士君家堂上董仲舒絲綸經術非迂疎到門盡是北海客飛矢每發聊城書年年上策不見用空有文章凌屈宋一官但坐廣文瓊五斗初分彭澤俸長材短馭古所傷歸云田園尚未荒菊花離離松徑黑高臥直欲追

羲皇有子傳經願已足駟馬還家披綵服泝泝封侯遇各殊逢時莫問君平卜憶昔許交王仲回聞聲千里無嫌猜吳山相見倚泉石我輩豈擬終蒿萊先兄致身思報主諸公亦是管葛伍竹林作逢酒不醒世上紛紛何足數是時天步方艱難廣武驅車常一嘆所喜飄零龍劍合不肯涕泣牛衣寒酒酣耳熱氣益振聚米成圖石爲陣救時無復南陽起問天已痛沅湘殉風塵兵革各崩奔離別存亡不可論作客却走燕山道罷官喜在桃源村況復元成已早逢金馬門前新釋褐功名建立須壯年龍泉太阿待剗割莫言初命佐郡卑報最可使明庭知栢臺青瑣會見召論

事仰首終伸眉停年待選且歸省愛日堂前春晝永篋中
磊磊經濟書熟讀何須愁簿領當年不試偃經綸乘時展
布需爾身從來房杜用文士豈讓絳灌矜老臣我今放廢
樂肥遯長往巖耕真不返君輩能令天下清富春足慰垂
綸晚橫門折柳情依依沂水蒙山隔落暉寄語東籬詠詩
者十年同學眼中稀

程奕先孝廉作傷秋賦爲詠其事

君家嬌小婢持櫛恃深恩不自知愁靨何曾有淚痕寵極
終成誤中庭泣中露多謝鄭康成薄言常往愬底事戀長
安金門乞一官妾身不自保拭淚上雕鞍從此侍新人不
知故人意柳花撲地飛柳絲不可繫色賤情詎常愛深義
反薄昔時枝上花今日風前籜只嫌妾命薄本不望君憐
著妾紅羅襦還君白玉環生憎君有弟不念妾有夫非爲
挑團扇翻然遣綠珠無日見秋兒但作傷秋賦賦解使人
傳人今在何處

庚子春送周茂三南征四首

悒然獨不樂念子將南遊雖非還故鄉幸不長淹畱人生
無百年迫此衣食謀曳裾客他方罄折申所求志下氣不
長宛轉師善柔豈無骨肉親安得同綢繆饑寒弗及顧道
路誠阻修茲行自有程可以歸山丘跨馬行著鞭忽若空

中鷗

其二

自我客京國歲序日五改敝裘已屢更彈鋏故長在去
住本因人時命亦有待豈伊戀西周不念棲東海旅人後
號咷久客多所悔子來忽復去曾不淹一載河水猶未泮
楊柳安可採惜別成篇章使我徒心痲

其三

子從故鄉來苦熱夏日長揮汗解征鞍草草千里裝僦居
布金園愛此雙松涼日高未盥漱卽復傾壺觴含毫聊自
娛懷刺廢迎將我同醉中趣翻謂醒者狂下士不敢笑相
得言已忘雖懷羈棲愁且試爲樂方今子當遠行此歡不
可常一體有分乖能不增惻傷

其四

駐君紫駟馬停君白玉鞭離別在須臾念當陳一言平生
丘壑意久知沮溺賢依人難久居吾亦思言旋逢士駭流
俗溫克道所先飲河當滿腹長往恣高眠耦耕如可期同
買南山田

重別茂三

竟失連牀約君行不可畱離情與歸夢相逐到杭州

庚子清明後一日宛委先生遊城西摩訶寺病不克

從有賦

聞道摩訶寺青郊枕梵宮花繁那計樹竹密已成叢春暖
輕寒食身閑喜自公懸知興不淺僕病未能同

胡振音初度

修身諒匪懈爲弟致獨難先軌踐鈞軸高騫俯鷓鸞席豐
道豈加執德衆所觀鳴謙牧有素逢識理必完吹簧已賓
庭在阿猶考槃成章燦墳籍以漸矜羽翰靜覽萬石傳共
敦萊子歡在伯和塤篴惟季同芝蘭自公旣忘私委務投
百端有條綱豈紊奏刀刃未殫百晦方樹蕙三年寧伐檀
南宮接履綦北闕鏘和鸞允符辛陽美實獲松喬安黃髮

倘可期言歸更投竿

庚子五月寄徐邈思兼哀沈聞大

客裏封書報大徐鳳皇橋下復何如思歸與爾同投釣念
我多君肯寄書江國幽居行有鴈燕山客子食無魚更悲
多難休文歿何處山丘宿草疎

訓胡敬懋三首

敬懋爲宛委先生從姪予
友胡彥遠寄書爲介紹

述作千秋業昂藏七尺身異鄉初定友非德媿爲鄰屐從
東山密樽開北海醇從容看賭墅忝竊座中賓

其二

識面纔今日知名過十年旅堂思我友素簡道君賢管樂

堪方比應劉豈接連猶爲徒步客把手意凄然

其三

嬾慢詩篇廢沉綿肺病侵多君能好我答贈乍行吟白雪
誰能和青山未可尋蒼生整頓畢相遲偃長林

送同里盧文夢之滇南赴大中丞九敘袁公幕

絳帳談經漢馬融清時高蹈古人風常探黃石三篇熟偶
下聊城一矢雄赤社滇池初建節白衣幕府乍從戎碧鷄
銅柱登臨勝萬里無嗟逐轉蓬

送陸墅修太史謫貴池司李

蕭然車馬出金閨佐郡詞臣赴宛溪卽對爰書經故引好

將賜札句新題長楊會薦文章美叢桂休耽洞壑棲聞說
左遷緣病渴茂陵女子去仍携

胡機石太翁誕辰賦祝

荀陳天下老伊傅膝前人峻岳宗崑極長河沂沂津揆辰
開甲第旭日聚高輪衆望歸耆彥名門起少貧不愁徒四
壁未靳指雙困溫潤山含璞光華劔有神交遊聯俊及仕
宦歷風塵贊府才無敵城門氣益振官貧黃綬拙威殫赤
丸馴簪筆看騰達懸車戀隱淪醉歌燕市月晴泛鏡湖春
德里稽山曲高閣越水濱散金頌密戚設席召嘉賓巖壑
登臨日鶯花祓禊晨率然緣看竹迨爾慰思尊綸綍元公

縮笙簧二妙掄奉迎歸邸舍定省簇簪紳庭桂芳均吐堂
萱葉尚綦行年伯玉化愛日老萊親蕭散時携屐追隨共
飲醇自娛絃外意獨得酒中真白業尋開士青蓮植勝因
好施齊物我垂訓表人倫是日琳宮會經壇寶刹陳給錢
貧子喜設供釋徒臻罔極酬親德長年倚佛仁稱觴辭燕
喜懸矢憶艱辛頗念蘭亭集多懷栗里鄰草生堪覓徑花
落自爲茵解識輕朱紱難忘漉葛巾至人冥去住大道任
陶鈞識性身如幻觀空性獨純庚寅方記旦甲子未周旬
上下初交泰雲雷正在屯傳經貽相國滿眼繫生民好待
開綸閣他年理釣緡爭歌三薛貴並乞二疏身杖屨歸

應奉藍輿興自新此時文酒客莫厭往來頻百歲湖山宴
還應鱸紫鱗

庚子秋杪喜顥亭來都作

去年春風上己節攜手河梁與君別今年秋風重九初狹
邪見子還征車君歸正復到我里家園門巷今何如我家
蕭條託城市衡木爲門面河水草衣兄弟望我歸不歸豈
戀他鄉美君行乘舟如登僊一棹直泛西湖煙老母登堂
隱舊几阿兄挈榼開長筵門外喧闐賓客到或著錦衣或
皂帽少年拱揖有逢迎父老來過相慰勞又聞鬱鬱卜佳
城千人會葬都爲傾親戚皆知誦范蠡嫁娶旋將完尚平

一身事畢仍報國，單車入關更憑軾。同時名士歌詩送，黃金之牋漆如墨。我昔五指沒雪中，正陽門前趨北風。君去君來總如此，此子憔悴真途窮。有家無食北向哭，有兄不葬委山麓。作客但食孟嘗魚，買田不給顏回粥。人生窮達命可知，快意獨在同襟期。論文嗜酒吾與爾，笑殺悠悠輕薄兒。失君如失左右手，卸人喪質日已久。從君下馬走入門，便向黃花酌大斗。稍時君醉我復歌，請看鬢髮各已皤。卽今形影且相共，向來哀樂何其多。

庚子初冬改館顯亭家畱別宛委學士二十八韻

久作長裾客，知公愛士真。食魚兼異味，戲馬從芳辰。善謔談無忌，清狂醉不嗔。文家分漢志，詩選辨唐人。渾穆追元始，微茫擇大醇。感時非末學，懷古駕先民。從鞞驟無越，調絃柱必勻。捲簾花在眼，停筆酒沾脣。明月窺雙影，清風逐後塵。承歡陪杖屨，選勝趁車輪。汎愛恩稠疊，無能客主臣。壺觴傾節序，金帛餽冬春。莫取馮驩智，偏憐原憲貧。顧非端木舊，自以孟嘗親。忘蜀真成樂，依劉更就新。通家暱元禮，入幕呼嘉賓。下榻勞陳設，封書召數頻。生徒須卒業，經術枉相詢。固謝辭難設，將行目豫羣。抱琴還眷戀，脂牽屢逡巡。晝邑非三宿，平原更一旬。出門還學袂，佩德有書紳。遷次仍占旅，思歸且在陳。降階辭舍館，布席尚城闈。有日

來驚座他時復吐茵食應傳白粲鯖得聚鮮鱗兩袒東西
女更游趙李身何難疲轍迹莫厭與昏晨

宛委學士十月哉生明舉一丈夫子後二十有八日
復舉一丈夫子歌以賀之

韋相行年三十餘傳經膝下石麟虛一時舉子居然再五
老分行抱送初繡襦雙陳啼併似金錢重浴樂何如縱殊
四乳南宮母八士名分伯仲書

赴宛委先生湯餅會飲醉復索歌者出席傳觴自晒
其狂詩以解嘲二首

雙抱懷中玉仍拖門左裾極歡須命酒旣旨且多魚屣屣
賓皆散笙歌伎有諸弄璋誰得再促坐莫教疎

其二

改座畱狂客持觴強上公漾杯憐酒碧見跋睨燈紅行炙
更羣僕徵歌續女童中厨湯餅有明日會元同

訓王備五兼訊茂三

久客燕山故舊疎鄉關兄弟少來書相思奇士無逾爾肯
寄新詩一起予栗里荒園疎把酒蘭亭勝集憶聯裾因訓
好句懷周子重繭還家竟把鋤

仲冬望日漏下二鼓顥亭再傾家釀子箕有作奉和

一律

良夜乘風月同心坐主賓索郎思汝久中聖許吾頻杯後
於餘瀝詩成絕後塵從來王逸少得句每先人

喜汪介公復至燕山走筆賦贈

有序

介公自杭復來燕山頗携雅玩見投既喜知已之
至又欣于得寶欲以拙句寫意病餘手澁多日未
成臘月朔過我寓齋試吳去塵墨研上濃醜不忍
洗却乃裂宣紙爲此卷信筆疾書遂得四章瓊瑤
之贈報以瓦礫倉猝中不暇矜慎介公當不罪我也

五月扁舟去今來已仲冬曾看湖上柳重倚寺門松憶鱸
看長鈇騎驢及莫鐘風塵仍見爾冰雪故人容

其二

昔日聯牀語明燈元歎家不嗟東郭雪交憶北山花翰墨

何人賞煙波念汝遐一來仍晤對寒日起風沙

其三

脫手能垂贈宣宗舊鼎畱平生懷古物多種購杭州紫研
端溪潤青田印石柔輝煌陳几案藉爾爲予求

其四

前人不可似古物亦晨星把玩憐奇絕咨嗟憶典刑與君
殊世俗爲客共沈冥莫恨頭今白難逢眼乍青

口號

前朝國手人無敵第一圍碁過百齡旅櫬他鄉魂不返楸
枰廣座子初停

其二

圖畫藍瑛筆有神淋漓潑墨似元人墓門已長松楸暗屏障爭求山水真

贈王維文

前朝寫真第一手獨有閩粵曾波臣吾鄉謝彬亦挺出非取畫形取畫神邇來燕山數輩在腕力卑弱安足陳平鋪紙上骨相隱展玩不識傳何人先生三吳一異士神僊中人赤松子偶然放筆聊寫真毫素深情古無比明窓斐几伸白絹意象慘淡經營始畏人傍觀只獨對握管凝眸再三視眉髮部位分高卑笑語神情辨嗔喜目接徐令意態

交思成別有襟懷是須臾下筆不可休十指拂拂風颼颼飛兔一起迅鶻落捉搦生氣無停畱圖成一半已絕妙向人欲言似含笑乍蒙雲霧未開顏疑持明鏡來相照偷窺僮僕驚失聲端坐主人心眼明迴頭却願意未足尚少神理須點睛頰上眉端皴不歇染將大宅陽氣發皎皎秋月含丰標瑟瑟涼風動鬚髮貴人頤指氣體殊文士逸格多蕭疎寫我山林貌清瘦嬾慢愛靜方閑居使畫雲臺諸將面會覩英威目如電忽然更作採芝圖僊骨應教眼中見先生妙筆不可傳自言訣法探上僊相人相神待閒暇心知擬似言難宣皮膚委蛻取靈爽高寄元冥入非想卽今

食且却腥羶時聞定去傳光響雙瞳已碧漸欲方長髯滿
領飄逾朗吾聞神僊厭世思遠游瓌瓌肯貌尋常流壁間
倘畫真龍了騎入雲烟何處求

